



Векало ПахІала тассалникахошка яздина хьалхара кехат

Тассалник-Гала Рим-пачхьалкхан чубогІучу Македон-мехкан коьрта Гала яра. Пилап-Галара дІа а веана, цигахь Ийсах тешачийн цхьа тоба дІахІоттийра векало ПахІала. Цо хьехам бора кхечу мехкашкара болчу а, жуьгтийн дин керла хІума санна лоруш болчу а нахана. Цу хьехамна аьтто баьллера. Ткьа цхьадолчу жуьгташна и хІума хаза ца хийтира, цундела, жимма хан яьлча, цу жуьгташа дуьхьало йира ПахІална. И бахьана долуш, ПахІалан Тассалник-Галара дІаваха дийзира. Берия-Гала вахара иза. ТІаьхьо, ПахІал Коринт-Гала кхьаьчча, цуьнан накьост волчу Тимапис Тассалник-Галахь йолчу Ийсах тешачийн тобанан хьолах лаьцна шегара хабар дира цуьнга.

Векало ПахІала тассалникахошка яздина хьалхара кехат цигахь Іаш болчу Ийсах тешарш иракарахІитто а, уьш тешарехь чІагІбан а яздина дара. Церан тешарх а, беамаха а долу хабар шегга кхачарна баркалла боху цо. Ша Тассалникехь волчу хенахь муха Іийра дагадоуьйту ПахІала царна. Цул тІаьхьа Дала леррина Кьобалвинарг юхаварах лаьцна долчу церан хаттаршна жоп ло цо: Дала леррина Кьобалвинарг юхавале велларг хедар доцучу дахарехь хир вуй, Иза юхавеанчул тІаьхьа? Юха маца во-гІур ву Дала леррина Кьобалвинарг? Иза юхаваре сатуьйсусш Іачу хенахь, паргІат болх а беш, Іе боху цаьрга ПахІала.

Маршалла

1 ПахІала а, Салис а, Тимапис а хІара кехат яздо вайн Да волчу Делах а, Веза Эла волчу Ийсах а тешачийн Тассалник-Галара тобане. Делан дика а, синпаргІато а хуьлда шуна.

Тассалникахойн дахар а, Делах тешар а

²Тхайн доІанашкахь, шу дага а лобьцуш, шуна массарна тІера даим Дала хастам бо оха. ³Шаьш Делах тешаш хиларна, аша дика гІуллакхаш дар а, аша безамца кьахьегар а, вайн Везачу Эле, Дала леррина кьобалвинчу

Ийсага шу тешамца сатуьйсусш хилар а даим а вайн Да волчу Далла хьалха дагахь латтадо оха. ⁴Далла безна болу динан вежарий, шу Дала хьаржина хилар хаьа тхуна. ⁵Шу долчохь тхан хаза кхьаь кхайкхор дашца бен хилла ца Іаш, Делан ницкьаца а, Делан Синца а, кхин а боккхачу тешамца а ма бара. Шуна шайна хаьа, шун дуьхьа шуна юкьахь тхо муха Іара. ⁶Делан дош тІе а эсна, тхох а, Везачу Элах а тарделла дІахІитти шу а. Аша дукха баланаш лайнехь а, Делан Сино хазаетар лора шуна. ⁷Цундела Македон-махкахь а, Ахай-махкахь а массо а Ийсах тешаш болчарна шух масал хилла. ⁸Ткьа Везачу Элан дош а, шун Делах тешарх болу хаам а шуьгара Македон-махка а, Ахай-махка а кхьачна ца Іаш, массо а кхечу меттигашка а дІасабаьржина. Цундела шух лаьцна оха дийца обьшуш кхин цхьа а хІумма дац. ⁹ХІунда аьлча цара шаьш а дуьйцу тхох лаьцна. Цара дуьйцу, тхо шуна тІе муха даьхкира а, иштта шу, цІуйх дІа а дирзина, Делехьа дерзарх лаьцна а, дийначу а, бакьволчу а Далла гІуллакх дархьама. ¹⁰Цара дуьйцу, Делан КІант стигалшкара схьаваре шу муха ладоьгІуш ду. Дала веллачуьра денвина волу а, тІейогІу йолчу Делан обьгІазлонах вай кІел-хьардоху волу а Ийса ма ву и КІант.

ПахІала Тассалник-Галахь бина болх

2 ¹Динан вежарий, шуна хаьа, тхан шуна тІедахкар эрна ца хилар. ²Ткьа, шуна ма-хаьара, хьалха Пилап-Галахь баланаш а лайна, сий дайина дара тхо. Тхайна луьра дуьхьало йинехь а, тхайца Дела волу дела, тхо майрра шуна хаза кхьаь кхайкхо гІиртира. ³ХІунда аьлча тхан хьехамашкахь дацара шу тило гІерттар, я цхьа вониг шуна хила лаар, я шуна хІилла дар. ⁴Ткьа Дала тхан сий а дина, Шен хаза кхьаь тешарца тхьогга кховдоре терра, иштта, адамашна томана а доцуш, амма вайн дегнаш зуьйш волу Дела лоруш, бо оха и хьехамаш. ⁵ХІунда аьлча, шуна ма-хаьара, тхо цкьа а дацара шу хестош я шуьгара тхайна пайда лобьхуш. Дела теш ву-кх! ⁶Шуна я кхечарна тхьаьш ларар я тхо хестор тІе ца дуьллу оха. ⁷Тхьаьш Дала леррина Кьобалвинчун векалш хиларе терра, тхьаьш лоруьйтуш дахка йиш яра тхан, делахь а, бераш кхобург шен берашца кІеда-мерза ма-хиллара, шуна юкьахь тийна Іийра тхо*. ⁸Иштта тхо шух дІайина дела а, тхайна шу дезадаларна а шуна Делера болу хаза кхьаь кхайкхийна оха. И дина а ца Іаш, тхайн синош а, ца кхоош, шуна дІадала лиира тхуна. ⁹ХІунда аьлча, динан вежарий, шуна дагадогІу-кх шу долчохь оха хаза кхьаь кхайкхочу хенахь, тхайх шуна бала ца бархьама, буьйсанна а, дийнахь а оха хьегна кьа а, тхуна хилла ницкь а. ¹⁰Шу а, Дела а теш ду-кх, Делах

* ^{2:7} Шуна юкьахь тийна Іийра тхо. Кхечу тептарш тІехь: шуна юкьахь, кегий бераш санна, Іийра тхо.

^{1:1} Векалийн 17:1.

^{1:6} Векалийн 17:5-9. ^{2:2} Векалийн 16:19-24; Векалийн 17:1-9.

тешачу шуна хьалха цѐна а, Делан лаамехъ а, ала хІума а ца дуйтуш тхо муха Іара. ¹¹ Шуна хууш ду-кх, шух хІора а, дас шен бераш санна, лелавора оха. ¹² Шуйга дехарш а дора, шу иракара а хІиттадора, шуна синтем а бора оха, Шен Олалле а, сийлалле а кхайкхинчу Далла хьалха шу хьакъ долуш дахийтархьама.

¹³ Кхин а цхьа бахьана ду, оха гуттара а Далла хастамаш баран. Аша тхобгара Делан дош тІейцира, адамиин дош санна а доцуш, амма Делан дош санна (иза иштта дан а ма ду). Делаш тешначу шуна чохъ хІара дош болх беш а ду. ¹⁴ Динан вежарий, шу ЯхІуд-махкарчу динан тобанех тарделла. Цу тобанин нах Делаш тешаш а, Дала леррина къобалвинчу Иийсан долахъ болуш а беллахъ а, цара шайн махкахошкахьара баланах хьегна. Царах терра аша а изза баланах лайна шайн цханатайпанах болчу нехан карах. ¹⁵ Веза Эла волу Дала леррина къобалвина Иийса а, пайхамарш а яхІудхоша байинера. Тхо а дІалахькинера цара. Делан лаамехъ бац уьш, массо а адамна мостагІий хилла царах. ¹⁶ Цара новкъарло йо тхуна, Делан кхелах кІелхьардовлар муха хила деза кхечу къаьмнех болчу нахе тхобга ца дийцийтархьама. И дарца цара гуттара а шаьш летиначу къинойн барам тІехбоккху, амма Делан обгІазло эххар а тІекхьачна царна.

ПахІална тассалникахошка ван лаар

¹⁷ Тхо, динан вежарий, дегнашца вовшах даьхна а доцуш, ткъа вай юьхъ-дуйхьал ца хиларна йоццучу ханна вовшахдаьхна дара, цундела кхин а боккхачу деган лаамца шу ган гІертара тхо. ¹⁸ Цундела тхуна шу долчу дахка лаьара. ПахІал волу со цкъа а, шозза а гІоьртира шу долчу ван, амма иблисо тхуна массарна а новкъарло йора. ¹⁹ Ткъа мила ву хІинца тхуна дегайовхо луш верг, я тхуна хазахобуйтуш верг, я тхан сийлаллин таж? Шу-м дац те уьш, тхан Веза Эла волчу Иийсана хьалха, Иза кху дуйнен чу юхавогІуш, хиндерш? ²⁰ Шу ду тхан сийлалла а, хазахетар а.

3 ¹ Цундела шу ца гуш кхин са а ца тохаделла, тхьаш Атина-гІалахъ севцира тхо. ²⁻³ Ткъа шу долчу тхайн динан ваша Тимапи вахийтира оха. Иза Делан гІуллакх а деш, тхобца Дала леррина Къобалвинчух лаьцна хаза хьаь кхайкхош къахьобуйтуш ву. Аша хьобгучу халонашкахъ шун цханнен а ойла ца карчийтархьама, шу динехъ чІагІдалийт а, Делаш тешаран гІуллакхна тІехъ шун дегнаш иракарахІитто а вахийтина оха иза. Шуна шайна хаьа, иштта халонаш вай лан езийла. ⁴ Тхьаш шубца долчу хенахъ, вай баланах хьобург хиларх лаьцна оха хьалххе дІахайитинера шуйга. Шуна ма-хаьара, и дерриг а шубца хила а хилира. ⁵ Цундела, шун Иийсах тешаран гІуллакх муха ду хаа лууш, шун ойла иблисо карчорна кхобруш,

^{2:14} Векалийн 17:5. ^{2:15} Векалийн 9:23, 29; 13:45, 50; 14:2, 5, 19; 17:5, 13; 18:12.

^{3:1} Векалийн 17:15.

вай хьегна къа эрна хиларна сагатдеш, аса шу долчу Тимапи вахийтинера. ⁶ Ткъа хІинца Тимапи шу долчуьра схьавеана. Шун тешарх а, безамах а, шуна тхо даим а диканца дагахъ латтарх а, тхуна шу санна, шуна а тхо ган лаарх а лаьцна дика хабар деана цо тхобга. ⁷ Ткъа мел баланехъ а, халонашкахъ а тхьаш делахъ а, Везачу Элах шу тешар бахьана долуш, динан вежарий, шух синтем хилла тхуна. ⁸ Шу Везачу Элаца чІагІделла долудела, тхо хІинца ирсе деха. ⁹ Шуна тІера Далла тоьал баркаллаш муха эр дара те оха? Шу бахьана долуш Далла хьалха даккхийдеш ма ду тхо. ¹⁰ Шун юьхъ гархьама а, шун тешар кхочушхилийтархьама а, дийнаххьий, буйсанний доггах доІанаш дийр ду оха.

¹¹ Вайн Да волчу Дала Ша а, Вайн Веза Эла волчу Дала леррина къобалвинчу Иийса а некъ боккхийла тхуна шу долчу дахка. ¹² Ткъа тхуна шу дезаре терра, вовшашка а, массо а адамашка а болчу безамах Везачу Эло шун дегнаш дузийла. ¹³ Цо шун дегнаш безамах дузуйтур ду, шу чІагІдархьама. ТІаккха вайн Да волчу Далла хьалха шуна бехк буйллийла а доцуш, деза а долуш хир ду шу, вайн Веза Эла волу Иийса, массо а Шен долахъ болчаьрца кху дуйнен чу схьавогІучу хенахъ. Амин.

Делан лаамехъ долудахар

4 ¹ Ткъа хІинца, динан вежарий, Веза Эла волчу Иийсан дуйхьа, оха доккхачу дехарца доьху шуйга шаьш Далла хазахетарг дарна тІехъ оха шайга дийцинчул а, кхин а сов кхиамаш аш бахар. ² Веза Эла волчу Иийсагара шайна оха хІун весеташ делла, шуна хаьа. ³ Бобха лаамаш кхочушбарх шайн догІмаш лардан деза аша, хІунда аьлча Делан лаам бу, Шен дуйхьа даз а дина, шу дІакъасто. ⁴ Шух хІюранна а хаа деза, цѐна а, шен сий лардеш а*, Далла гергахъ бобхачу лаамех шен дегІ цѐна латто хІун дан деза. ⁵ Кхечу къаьмнех болу, Дела ца веза нах санна, нахаца леларан бобхачу лаамех дуйзна хила ца деза шу. ⁶ Цхьана а хІуманна тІехъ шайн вешина хьарам долуду гІуллакхаш лелош ямартло ма е, шайна са йолу агІо лобхуш ма хила, хІунда аьлча иштта лелачарна массарна а Везачу Эло таІзар до. Шуйга иза дІахьедеш баккъалла а боху оха, хьалха тхьаш ма-дийцара. ⁷ Дала вай бобхачу лаамийн долахъ а доцуш, амма Шена хьалха цѐна лелийтархьама хаьржина. ⁸ Иштта дуйхьалваьлла леларг адамна дуйхьал ца волу, ткъа вайна Шен Деза Са лучу Далла дуйхьал волу.

⁹ Шуна вовшийн деза Дала Ша Іамийна, шуйга цунах лаьцна оха цхьа а хІума дийца оьшуш дац. ¹⁰ ХІунда аьлча массо а Македон-махкара динан вежарий шуна баккъалла беза. Динан вежарий, шун вовшийн дезаш хилар

* ^{4:4} Далла гергахъ бобхачу лаамех шен дегІ цѐна латто. Я иштта: шен зудчуьнца муха Іан веза.

^{3:6} Векалийн 18:5.

кхин а чIагIдар тIедуьллу оха шуна. ¹¹ Шу чIога гIерта деза тийна даха. Шайн гIуллакхаш а бен ма де. Оха шуьга хьалха весеташ ма-дарра, шайн куьйгашца хьанал рицкъа даккха. ¹² Нагахь санна шу иштта лелахь, Делах ца тешачу нахе а шаьш лоруьйтур ду аша, дахарехь оьшучунна тIехь а цхьаннан а гIо оьшуш а хир дац шу.

Веза Эла кху дьунен чу юхаварах лаьцна

¹³ Динан вежарий, кхин болу дог диллинарш санна, шу гIайгIанехь ца хилийтархьама, беллачарех хуьлург шуна ца довзуьйтуш Ia ца лаьа суна. ¹⁴ Вай Гийса, вала а велла, денвелла хиларх теша дела, Гийсах тешаш белла болу нах а Дала Цуьнца стигалшка хьалабохург хиларх а теша.

¹⁵ Везачу Элан дашца боху хIара оха шуьга, Веза Эла кху дьунен чу схьаваллалц, дехаш дисина долу вай, беллачарел хьалха девр дац. ¹⁶ ХIунда аьлча Веза Эла коьртачу маликан озаца а, Делан турба лакхарца а, Ша стигалара охьавуссур ву, ткъа Дала леррина Кьобалвинчух тешаш а болуш белларш хьалха денлур бу. ¹⁷ Цул тIаьхьа вай, далаза диснарш, царах дIа а кхетта, Везачу Элана дуйхьал мархашка хьаладохур ду. ТIаккха вай даим Везачу Элаца цхьаьна хир ду. ¹⁸ Иштта, хIокху дешнех вовшашна синтем а беш Iе.

Веза Эла схьаваре кечло

С ¹ Динан вежарий, хин йолчу хенах а, заманах а лаьцна оха шуьга хIумма а яздан оьшуш дац. ² Шуна шайна а билггала хаьа, буьйсанна цIеххьана вогу къу санна, иштта дагахь доцпучу хенахь тIекхочур ду Везачу Элан де. ³ «ХIинца машар бу, цхьа а кхерам а бац» — адамаша боххучу хенахь, берах йолчу зудчунна цIеххьана тIедогу лазарш санна, цIеххьана тIедогу ду церан хIаллакхилар а. Уьш кIелхьара а бевр бац. ⁴ Ткъа шу, динан вежарий, боданехь дац, и де, къу санна, шуна тIекхача. ⁵ Шу массо а серлонан кIентий а, дийнан кIентий а ду. Вай буьйсанан я боданан кIентий дац. ⁶ Цундела вай дийшина Iан ца деза, боданехь болу кхиберш санна, амма сема а, кхетамехь а хила деза. ⁷ ХIунда аьлча бийшина болчара буьйсанна наб йо, маларх там хилларш а буьйсанна беа. ⁸ Ткъа вай серлонан кIентий долу дела, Делах тешарх а, вовшийн дезарх а гIагI а дина, Дала леррина Кьобалвинчо вай кIелхьардахаре сатуьйсуш хиларх гIем^а а йина, кхетамехь хила деза. ⁹ Вай Дала оьгIазлонна а доцуш, ткъа вайн Веза Эла волчу Дала леррина кьобалвинчу Гийсагахула вайна кIелхьардовлар далархьама хаьржина ду. ¹⁰ Гийса вайн дуйхьа велла, вай Шеца дахийтархьама, Иза схьавогуьчу хенахь вай дийна я делла делахь а. ¹¹ Цундела, хIинцалц санна, вовшийн дог а эца, вовшашна чIагIдала гIо а де.

^{4:15-17} 1 Коринтхошка 15:51-52. ^{5:8} ЕшаI-ЯхIу 59:17; Эпасхошка 6:13-17.

ТIаьхьара а долу хьехарш а, маршаллаш а

¹² Динан вежарий, доьху шуьга, Везачу Элан гIуллакх дан шуна куьйгалла а деш, хьехамаш а беш, шуна юкьахь къахьоьгуш берш ларар. ¹³ Церан болх бахьана долуш уьш тIехдика а, безамца а ларар доьху шуьга. Вовшашца бертахь Iелаш.

¹⁴ Кхин а чIога доьху шуьга, динан вежарий, малончаш кхетабелаш, тийна-эсалчеран дог эцалаш, гIийлачарна гIо делаш, доккха собар долуш хилалаш массаьрца а. ¹⁵ Хьовсалаш, цхьаьнгге а цхьанна а вонна дуйхьал вон ма дайталаш, амма гуттара а вовшашна а, массарна а диканиг дан гIорталаш.

¹⁶ Гуттара а самукъане а хилалаш, ¹⁷ даим а доIанаш деш а хилалаш, ¹⁸ массо а хIуманна Далла хастам а белаш, хIунда аьлча Дала леррина кьобалвинчу Гийсан долахь долчу шух лаьцна Делан иштта лаам болу дела.

¹⁹ Йовш йолу цIе санна, Делан Са дIа ма дайталаш. ²⁰ Делера болу хаамаш аьшнаш ма белаш. ²¹ Массо а хIума зен а зуьйш, диканиг схьалацалаш. ²² Муьлххачу а зуламах ларлолаш.

²³ Вайн синна паргIато луш волчу Дала Ша цIан а дина, массо а агIор Ша санна дойла вай. Цо шун са а, дог а, дегI а Веза Эла волу Дала леррина кьобалвина Гийса вогуьчу хенахь дуйззина кьиноьх цIена латтадойла. ²⁴ ТIекхойкхург тешаме ву. Цо кхочушдийр ду хIара.

²⁵ Динан вежарий! ДоIанаш делаш тхуна тIера.

²⁶ Массо а динан вежаршка доггах* маршалла ло.

²⁷ Везачу Элах дуй баарца доьху хIара кехат массо а динан вежаршна** дешар.

²⁸ Вайн Везачу Эло, Дала леррина кьобалвинчу Гийсас, маьхза деш долу дика шуьца хуьлда***.

* ^{5:26} Доггах — ма-дарра аьлча: *Беза барт баккхарца массо а динан вежаршка маршалла ло.*

** ^{5:27} Динан вежаршна — кхечу тептарш тIехь: *динан безачу вежаршна.*

*** ^{5:28} Цхьадолчу тептарш тIехь тIетохна ду: *Амин.*